



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 9. Ira quibus mediis in aliis correcta.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

§. IX.

Ira quibus remedijs in alijs correcta.

IN me sit, Domine mi, hæc iniquitas. 1. Reg. 25. 24. &c. Quæ nulla armata manus efficeret, effect officiosa manus prudentis Abigail: hostem lenivit, amorem sibi conciliavit, & regale conjugium. Bæza t. 2. l. 8. cap. 3. §. 8.

Dare locum ira. Rom. 12. 19. Da locum ira, id est, taces, fuge, cede irato. Ambrosius & Anselmus. Et, ut Origenes: fer patienter iratum fratrem; nihil contra dicendo, aut faciendo.

Nihil elephantem iratum ita evincit, quam agni conspectus: & nihil ita facile tormentorum bellicorum impetum elidit, atque lana contipatos. S. Franc. Salef. p. 3. c. 14.

TITULUS XXIII. IRA DEI.

§. I.

*Iram Dei sequitur clementia, beneficentia &c.**Figuræ.*

Arcum meum ponam in nubibus &c. Gen. 9. 13. Iris est clementia Dei; quæ quasi arcus contentus, sed carens sagittâ: per adversâ, quæ immittit, magis terrere nos vult, quam ferire, ut vitia corrigamus S. Ambr. l. de Arca Noe c. 27. Unde S. Joannes Apoc. 4. 3. vidit thronum Dei circumdatum iride, id est, misericordiâ. Iris enim tempore Noe pacis, reconciliationis, fuit signum. Corn. hic.

Qui furatus est scyphum, in se sit servus meus. Gen. 44. 17. Tempertatem putâsse latere in sacco Benjamin, dum Joseph diceret: *qui furatus est &c.* Deliniebatur iris in turbine: & unde servitutum timebant, in fratrem receperunt. *Cur sic agere voluisti?* quàm foeda, tetraque nubes? *Ele vavisq, vocem cum fieri.* Gen. 45. 2. 15. *Fulgura* planè in *pluviam fecit.* Pl. 134. 7. Clamabas tyrannidem in tritico latuisse; latebat in sævitie charitas. Oliva fer. 4. D. 4. Quadr.

Fulgura in pluviam fecit. Pl. 134. 7. Divinæ iræ, & comminationes, in beneficia defluunt. Sylveira in Matth. 16.

Nubes fulmina minans à vento in pluviam soluta. Lem: *Result in melius.* Piccielli.

*Testimonia**Ex Veteri.*

Hæc dicit Dominus Deus - morieris, & non vives. 4. Reg. 20. 1. Post fulmen hoc quàm amœna prodijt iris! *Revertere, & dic Ezechia audivi orationem tuam - & ecce, sanavi &c.* Vivit, valet, triumphat Ezechias; ante horulam addictus tumulo. Oliva l. 5. Strom. §. *audivi murmuraciones &c.*

Percutit; & manus ejus sanabunt. Job. 5. 18. Deus unâ manu percutit, sed duabus sanat. de Ponte in Cant. 1. Exhort. 12. §. 3.

Addit Dominus omnia, quæcumq, fuerunt Job, duplicia. Job. 42. 10.

Iratus es, & misertus es nobis. Pl. 59. 3. Ecce tota ira Dei repellens, destruens, commovens orbem, conturbans; sed, ut misericordia veniat. Berengosius Abb. ferm. in Nat. M.M. ô ira misericors! & salubris indignatio; ô ira misericors! quâ sic irascitur, ut subveniat; sic minatur, ut parcat; sic aufert, ut restituat; sic tradit, ut eripiat; sic destruit, ut muniat; sic abjicit, ut recipiat. Bæza t. 2. l. 8. c. 3. §. 32.

Post graves minas, sequitur: *lavamini, mundi corde - si fuerint peccata vestra &c.* Il. 1. 16. 18.

Dies ultionis in corde meo: annus retributionis meæ venit. Il. 63. 4. Dies ultionis, annum in corde Dei parturit felicitatis: tanta est æternitatis cum dolore conjunctio! Oliva f. D. Pass.

Cum iratus fueris, misericordia recordaberis. Habac. 3. 2. Nam Dei ira, & rigor, solet esse signum misericordiæ adventantis. Bæza t. 2. l. 11. c. 1. §. 14. Cum sentio te iratum, tunc maxime confido te esse propitium: quia, *cum iratus fueris &c.* Idiota l. 1. de vera pat.

Ex Novo.

Fuge in Egyptum. Matth. 2. 13. Quia Deus, qui non in perpetuum irascitur; postquam percussit, iterum medetur: ideo sicut quondam gravissimè cecidit Egyptios propter populum Israel; si nunc eam curandam misericorditer visitat. Dion. Carthus. in Matth. 2. *Quare vadit in Egyptum?* nunquid alia terra defecit? Recordatus est Dominus, qui non in finem irascitur, quanta mala fecerit super Egyptum: Ideo mittit Filium suum in eam; & dat illi magnæ reconciliationis signum, & perpetuæ reconciliationis pignus; ut decem plagas unâ medicinâ sanaret. - O commutatio dexteræ Excelsi! ut populus, qui antea fuerat persecutor populi primogeniti, postea fieret custos unigeniti Filij. Author. Imp. hic.

Generatio mala, & adultera, Signum queris; & signum non dabitur ei. Matth. 12. 39. Quid tandem terribilis hic leo faciet? in agnum vertetur. Subdit enim: *Signum non dabitur ei, nisi signum Jone Prophete.* Quod illud Signum? suam Passionem, ac mor-